

НА «ГОСПОДИ, ВОЗЗВАХ» СТИХИРЫ НА 10

Господи, воззвах, глас 8:

Господи, воззвах к Тебѣ, услыши мя./ Услыши мя, Господи./
Господи, воззвах к Тебѣ, услыши мя:/ вонми гласу молѣния моего,/
внегда воззвати ми к Тебѣ.// Услыши мя, Господи.

Да исправится молитва моя,/ яко кадило пред Тобою,/ воздеяние
руку мою/ – жертва вечерняя.// Услыши мя, Господи.

Стихира Триоди, самогласна, глас 8:

1. Стих: Изведи из темницы душу мою,// исповедатися имени Твоему.

2. Стих: Мене ждут праведницы,// дондеже воздаси мне.

Душеполѣзную совершивше Четыредсятницу,/ и святую
Седмицу страсти Твоея,/ просим видети Человеколюбче,/ еже
прославити в ней величия Твоя,/ и неизреченное нас ради
смотрѣние Твое,/ единомудренно воспевающе:// Господи слава
Тебѣ. **Дважды.**

Стихиры Благовѣщения, глас 4:

3. Стих: Из глубины воззвах к Тебѣ, Господи,// Господи, услыши
глас мой.

Вшестый месяц послан бысть Архангел к Дѣве Чистой/ и,
радоватися Ей прирек,/ благовести из Нея Избавителю
проити./ Темже, приемши целование,/ зачат Тя, Превечнаго Бога,/
несказанно благоволившаго вочеловечитися// во спасение душ
наших.

4. Стих: Да будут уши Твои// вне-млю-ще гла-су молѣния моего.

Языка, егоже не ведяше, услыша Богородица,/ глаголаше бо к
Ней Архангел благовѣщения глаголы,/ отонудуже верно,
приимши целование,/ зачат Тя, Превечнаго Бога./ Темже и мы,
радуящися, вопиѣм Ти:/ из Нея воплотивыйся непреложно Боже,/
мир миру дари// и душам нашим велию милость.

5. Стих: Аще беззаконія на́зриши, Го́споди, Го́споди, кто постои́т?//
Яко у Тебе́ очище́ние е́сть.

Се возва́ние ны́не яви́ся нам,/ па́че Сло́ва Бог челове́ком
соединя́ется,/ Арха́нгеловым гла́сом прелесть отгоня́ется,/ Де́ва бо
прие́млет ра́дость,/ земна́я бы́ша Не́бо,/ мир разреши́ся пе́рвыя
кля́твы./ Да ра́дуется тварь и гла́сы да воспоёт:/ Тво́рче и
Изба́вителю наш,/ Го́споди, сла́ва Тебе́.

Стихи́ры Трио́ди самогласны, глас 6:

6. Стих: Имене ра́ди Твоего́ потерпе́х Тя, Го́споди, потерпе́ душа́
моя́ в сло́во Твое́,// упова душа моя́ на Го́спода.

Го́споди, Лазарев хотя гроб ви́дети,/ во́лею хотя́й во гроб
вселитися вопроша́л еси́:/ где положи́те его́?/ Уведев же, еже
не неведе́дал еси́,/ и возглашал, егоже люби́л еси́:/ Ла́заре гряди́ во́н./
И послу́ша бездыханный, дыхание даю́щаго ему́,// Тебе Спа́са
душа́м на́шим.

7. Стих: От стра́жи у́тренния до но́щи, от стра́жи у́тренния,// да
упова́ет Изра́иль на Го́спода.

Го́споди, на гроб четверодне́внаго пришёл еси́ Ла́заря,/ и над
гробом слёзы проли́яв,/ мертвеца́ четверодне́вна возста́вил еси́,
кля́се живота́./ Те́мже смерть связа́на бысть гла́сом:/ пелены́
разреши́шася рука́ми./ Тогда́ ра́дости испо́лнися мно́жество
учени́к,/ и еди́но от всех служа́шеся согла́сие:// благословён еси́
Спа́се, помилуй нас.

8. Стих: Яко у Го́спода ми́лость, и мно́гое у Него́ избавле́ние,// и
Той изба́вит Изра́иля от всех беззаконий его́.

Го́споди, глас Твой разруши́ а́дово ца́рствие,/ и сло́во вла́сти Твоея́
возста́ви из гроба́ четверодне́внаго,/ и бы́сть Ла́зарь пакибы́тия
проображе́ние спаси́тельное./ Вся возмо́жна Тебе́ Влады́ко всех
Царю́,/ да́руй рабо́м Твои́м очище́ние,// и ве́лию ми́лость.

9. Стих: Хвали́те Го́спода вси язы́цы,// похвали́те Его́ вси лю́дие.

Господи, уверити хотя́ ученикомъ Твоимъ из мёртвых Твоё Воскресение,/ на гроб Лазарев пришёл еси:/ и возгласившу Ти сего́,/ ад пленися, и отпусти́ четвероднёвна, вопиюща Тебё:// благословённый Господи слава Тебё.

10. Стих: Яко утвердися мѣлость Его́ на нас, // и истина Господня пребывает во век.

Господи, поёмъ ученики́ Твоя́,/ в Вифанию пришёл еси, да возставиши Лазаря:/ и прослезився над ним закономъ естества́ человѣча,/ яко Богъ того́ четвероднёвна воздвигл еси,/ и вопияше Ти Спасе:// благословённый Господи слава Тебё.

«Слава» - Стихи́ра Триоди, глас 8:

Душеполёзную совершивше Четыредеса́тницу,/ возопи́м: Радуйся граде Вифаніе,/ отѣчество Лазарево./ Радуйтесь Марфа и Мариа, Того́ сестры,/ заўтра бо Христосъ приходит,/ оживити глаголомъ умершаго брата:/ Его́же гласъ услышавъ, горький и несы́тый адъ,/ страхомъ вострепетавъ, и вельми возстенавъ,/ отпуститъ Лазаря укройми обя́зана:/ Его́же чудеси соборъ еврейскій удивився,/ с ваиемъ и ветвѣми Того́ срѣщутъ,/ и явятся похваля́ющии дѣти,/ Ему́же завидятъ отцы́.// Благословенъ грядый во имя Господне Царь Израїлевъ.

«И ны́не» - Стихи́ра Благовѣщения, глас 6:

Посланъ бысть с Небесе Гавриилъ Архангелъ/ благовѣстити Девѣ зачатіе/ и, пришедъ в Назарѣт,/ помышляше в себѣ, чудеси удивля́ясь:/ о, како, в Вышнихъ непостижимъ Сый от Девы ражда́ется!/ Имѣяй престолъ Небо и подножие зѣмлю/ во утробу вмещается Девѣчю!/ На Него́же шестокрилати и многоочити зрети не мѡгут,/ словомъ единомъ от Сея воплотитися благоизво́ли./ Божіе есть слово настоя́щее./ Что убо стою и не глаголю Дѣве:/ радуйся, Благодатная, Господь с Тобою;/ радуйся, Чистая Дѣво;/ радуйся, Невесто Неневѣстная;/ радуйся, Мати Живота, // благословенъ Плодъ чрева Твоёго!

Входъ с Евангелиемъ: Свѣте Тихій: Прокі́менъ Триоди, глас 6: Пѡмощь наша во имя Господа, сотворшаго небо и зѣмлю.